

গণপ্রজাতন্ত্রী বাংলাদেশ সরকার
শিক্ষা মন্ত্রণালয়
কারিগরি ও মাদ্রাসা শিক্ষা বিভাগ
আইন শাখা-১
www.tmed.gov.bd

পত্র সংখ্যা-৫৭.০০.০০০০.০৪৬.০৪.৩১২.১৪-৫৫৬

তারিখঃ ১৫ কার্তিক ১৪২৬
৩১ অক্টোবর ২০১৯

বিষয়ঃ মহামান্য হাইকোর্টে দায়েরকৃত কনটেম্পট পিটিশন নং-৪১৬/১৯ এর আদেশের প্রেক্ষিতে রিট পিটিশন নং-৮৮৭৩/১৪ মামলার ১৬.০৩.১৪ খ্রি. তারিখের রায়/আদেশের আলোকে নেত্রকোনা জেলার কলমাকান্দা উপজেলাধীন কলমাকান্দা কারিগরি ও বাণিজ্য কলেজের বকেয়া বেতন ভাতা (এমপিও) ২০০৯-১০ অর্থবছর হতে প্রদানের বিষয়ে আইনগত মতামত প্রেরণ।

উপর্যুক্ত বিষয়ের পরিপ্রেক্ষিতে জানানো যাচ্ছে যে, অবিভক্ত শিক্ষা মন্ত্রণালয় কর্তৃক গত ৩১.০৫.২০১০ তারিখের শিম/শা:১৩/ এমপিও-১২/২০০৯/২০৯ সংখ্যক স্মারকমূলে ২০০৯-২০১০ অর্থবছরে বেসরকারি শিক্ষা প্রতিষ্ঠানের শিক্ষক ও কর্মচারীদের বেতন-ভাতাদির সরকারি অংশ প্রদানের জন্য নেত্রকোনা জেলার কলমাকান্দা উপজেলাধীন কলমাকান্দা কারিগরি ও বাণিজ্য কলেজটি এমপিওভুক্ত প্রতিষ্ঠান হিসেবে নির্বাচিত হয়।

০২। পরবর্তীতে শিক্ষা মন্ত্রণালয় কর্তৃক গত ১৬.০৬.২০১০ তারিখের শিম/শা:১৩/ এমপিও-১২/২০০৯/২২৯ সংখ্যক স্মারকমূলের মাধ্যমে বর্ণিত প্রতিষ্ঠানের এমপিও বাতিল করা হয়। এর ফলে উক্ত প্রতিষ্ঠানের অধ্যক্ষ কর্তৃক মহামান্য হাইকোর্ট বিভাগে রিট পিটিশন নং-৮৮৭৩/২০১৪ মামলা দায়ের করা হয়। মহামান্য হাইকোর্ট বিভাগ কর্তৃক উক্ত রিট মামলায় বিগত ১৬.০৩.১৫ তারিখে নিম্নরূপ রায়/আদেশ প্রদান করা হয়-

"The respondents concerned are hereby directed to include the name of the said institution in the list of MPO for the financial year 2009-2010 provided it fulfills the requirements as stipulated in the "বেসরকারী শিক্ষা প্রতিষ্ঠান (স্কুল, কলেজ, মাদ্রাসা ও কারিগরি শিক্ষা প্রতিষ্ঠানসমূহ) এর শিক্ষক ও কর্মচারীদের বেতন-ভাতাদির সরকারি অংশ প্রদান এবং জনবল কাঠামো সম্পর্কিত নির্দেশিকা" ২০১০, (in short, the Janabal Kathamo, 2010)", within a period of 90 (ninety) days from date of receipt of the copy of the judgment and order.

০৩। উক্ত রায়ের বিরুদ্ধে সরকার পক্ষ কর্তৃক সিভিল পিটিশন ফর লীভ টু আপীল নং-২২১/১৫ দায়ের করা হলে তা ২৩.০২.১৭ খ্রি. তারিখে খারিজ হয়ে যায়। মহামান্য আপিল বিভাগের ২৩.০২.১৭ তারিখের আদেশটি নিম্নরূপ:

"The leave petition is out of time by 223 days but the explanation offered seeking condonation of delay is not at all satisfactory. Accordingly, the Civil Petition for leave to appeal is dismissed as barred by limitation


০৪। এর প্রেক্ষিতে বর্ণিত প্রতিষ্ঠানের অনুকূলে মহামান্য হাইকোর্ট বিভাগের নির্দেশনা অনুযায়ী অবিভক্ত শিক্ষা মন্ত্রণালয় কর্তৃক গত ২৩.০৫.১৭ খ্রি. তারিখের ৩৭.০০.০০০০.০৭৪.২৯.০০১.২০১৭.২৪৯ সংখ্যক স্মারকমূলে বর্ণিত প্রতিষ্ঠানটিকে এমপিওভুক্ত করা হয়। পরবর্তীতে DTE কর্তৃক বর্ণিত প্রতিষ্ঠানের শিক্ষক-কর্মচারীগণকে এমপিওভুক্তপূর্বক বর্তমানে চালু রয়েছে।

০৫। বর্ণিত রিট মামলায় গত ১৬.০৩.১৫ তারিখের রায়/আদেশ কাস্তবায়ন না হওয়ায় পিটিশনার কর্তৃক মহামান্য হাইকোর্ট বিভাগে কনটেম্পট পিটিশন নং-৪১৬/২০১৯ দায়ের করা হয়। আলোচ্য কনটেম্পট মামলায় ২নং Respondents – Contemnor জনাব মুনশী শাহাবুদ্দীন আহমেদ, সচিব, TMED, শিক্ষা মন্ত্রণালয়, ৩নং Respondents – Contemnor জনাব রওনক মাহমুদ, DG, DTE.

০৬। এক্ষণে, কনটেম্পট মামলার বিষয়টি নিষ্পত্তির পদক্ষেপ গ্রহণের পূর্বে নিম্নের বিষয়গুলো স্পষ্ট হওয়া প্রয়োজন:

- শিক্ষা মন্ত্রণালয় কর্তৃক গত ২৩.০৫.১৭ তারিখের ৩৭.০০.০০০০.০৭৪.২৯.০০১.২০১৭.২৪৯ সংখ্যক স্মারকমূলে নেত্রকোনা জেলার কলমাকান্দা উপজেলাধীন কলমাকান্দা কারিগরি ও বাণিজ্য কলেজ এর এমপিওভুক্তির আদেশ জারি করা হয়েছে। সেমতে DTE কর্তৃক এমপিও চালু করা হয়। উক্ত সময়ে এমপিওভুক্তির বিষয়ে পিটিশনারের কোন আপত্তি ছিল কিনা?
- শিক্ষা মন্ত্রণালয় কর্তৃক এমপিওভুক্তির বিষয়ে জারিকৃত আদেশে স্পষ্টভাবে উল্লেখ ছিল যে, "এমপিওভুক্তির এ আদেশ জারির তারিখ হতে কার্যকর হবে"। সুতরাং এমপিওভুক্তির আদেশ হয়েছে ২৩.০৫.১৭. তারিখে যা মহামান্য হাইকোর্টের আদেশের অনুরূপ ছিল না। এমপিওভুক্তির আদেশ কোর্টের আদেশের অনুরূপ না হওয়া সত্ত্বেও মন্ত্রণালয়ের আদেশের (এমপিওভুক্তি বিষয়ে) বিষয়ে পিটিশনারের কোন আপত্তি ছিল কিনা?
- এমপিওভুক্তির আদেশের দীর্ঘ প্রায় ০২ বছর ০৬ মাস পর ২০০৯-২০১০ অর্থবছর হতে বাস্তবায়নের জন্য আদালতে পিটিশন করার কারণ কী?
- দীর্ঘ প্রায় ০২ বছর ০৬ মাস পর্যন্ত অব্যাহতভাবে এমপিও পাওয়ার পর এবং কোনরূপ আপত্তি উত্থাপন না করেই প্রায় ০২ বছর ০৬ মাস পর পূর্ণাঙ্গ রায় বাস্তবায়নের (২০০৯-২০১০ অর্থবছর হতে) জন্য পিটিশন দাখিল আইন অনুযায়ী গ্রহণযোগ্য কিনা? (ট্রেজারি রুল এর এস.আর ৬১ এর বিধানের আলোকে)
- পূর্ণাঙ্গ রায় অর্থাৎ ২০০৯-২০১০ অর্থবছর হতে বকেয়া প্রাপ্তির পিটিশন দেহীতে করার কারণে আইনগত সুবিধা/অসুবিধাগুলো কী কী?
- দীর্ঘ ০২ বছর ০৬ মাস যাবৎ এমপিও পাওয়ার পর তখন কোন আপত্তি না করে ০২ বছর ০৬ মাস পর আপত্তি উত্থাপিত estoppel এর আওতায় পড়বে কিনা?

০৭। এমতাবস্থায়, কনটেম্পট মামলার জবাব প্রদানের লক্ষ্যে বিষয়টি স্পষ্টিকরণের নিমিত্ত বর্ণিত তথ্যাদির বিষয়ে জবাব আগামী ১৪.১১.১৯ খ্রি. তারিখের মধ্যে টিএমইডিতে প্রেরণের নির্দেশক্রমে মহোদয়কে বিনীত অনুরোধ করা হলো।

(মো: আ: খালেদ মিজ) 
সিনিয়র সহকারী সচিব (আইন)
ফোন: ৪১০৫০১৫৭

মহাপরিচালক,
কারিগরি শিক্ষা অধিদপ্তর, ঢাকা।
অনুলিপি সদয় জ্ঞাতার্থে/কার্যার্থে:

- সচিব মহোদয়ের একান্ত সচিব, কারিগরি ও মাদ্রাসা শিক্ষা বিভাগ, শিক্ষা মন্ত্রণালয়, ঢাকা (সচিব মহোদয়ের সদয় অবগতির জন্য)
- সিস্টেম এনালিস্ট, কারিগরি ও মাদ্রাসা শিক্ষা বিভাগ, শিক্ষা মন্ত্রণালয়, ঢাকা (এ আদেশটি ওয়েব-সাইটে প্রকাশের জন্য অনুরোধ করা হলো)।
- অতিরিক্ত সচিব/উপসচিব (অডিট ও আইন) মহোদয়ের ব্যক্তিগত কর্মকর্তা, কারিগরি ও মাদ্রাসা শিক্ষা বিভাগ, শিক্ষা মন্ত্রণালয়, ঢাকা।
- অফিস কপি/মাস্টার কপি।